

**AKT THEMELIMI  
DHE  
STATUTI I SHOQËRISË**

**Sot ne Tirane, me dt 22 Shkurt 2022**

Me qëllim të funksionimit dhe organizimit të shoqërise si dhe përshtatjes me kërkesat e Ligjit nr. 9901, datë 14.4.2008 "Për tregtarët dhe shoqëritë tregtare", është hartuar ky statut i shoqërisë tregtare.

**KREU I**

**Emërtimi, Forma Juridike, Selia, Kohëzgjatja, Objekti, Vula**

**Neni 1**

**Emërtimi**

- 1.1 Emërtimi i shoqërisë është "**AIMIKLA**". Ky emërtim është i vetmi i shoqërisë dhe përdoret në të gjithë regjistrimet, transaksionet, marrëveshjet dhe komunikimet e saj me të tretët apo shtetin dhe është i vlefshëm si jashtë dhe brenda vendit.
- 1.2 **Forma juridike** është "shoqëri me përgjegjësi të kufizuar", (**SHPK**).

**Neni 2**

**Ortakët Themelues**

- 2.1 Janë ortakë themelues te shoqërisë në kushtet dhe me të dhënrat e mëposhtme:

- 1 **Z. Ervis Kozak**, i datelindjes 07.05.1982, shtetas shqiptar, lindur ne Berat dhe banues ne Tirane, mbajtes i leternjoftimit nr I20507084K.
- 2 **Zj. Ifigjenia Çipi**, lindur ne Tirane, date 17.02.1985, banues ne Tirane, me numer identifikimi I55217051T.

**Neni 3**

**Selia**

- 3.1 Selia e shoqërisë është në Tiranë, Zona kadastrale nr 8270, "Njesia bashkiake nr 5, Rruga e Kosovareve, pallati Melrose, kati 0, nr pasurie 6/206.
- 3.2 Shoqëria mund të ndryshojë selinë e saj, të hapë zyrë përfaqësie, degë, të krijojë filiale, si brenda ashtu dhe jashtë Republikës së Shqipërisë, vetëm me Vendim të Asamblesë të Ortakëve.

**Neni 4**

**Kohëzgjatja.**

Shoqëria do të zhvillojë aktivitetin e saj për një periudhë kohore të papërcaktuar.

**Neni 5**

**Objekti i veprimtarisë**

- 5.1. Veprimtari ne:

- **Tregti me pakice te pijeve dhe sherbimit ne Bare, Restorante.**

## Neni 6

### Vula

- 6.1 Shoqëria do te kete vulën e saj identifikuese.
- 6.2 Vula e shoqërisë mund të ndryshojë vetëm me vendimin të ortakëve.

## KREU II KAPITALI, KUOTAT DHE KALIMI I KUOTAVE

### Neni 7

#### Kapitali

- 7.1 Kapitali i shoqërisë ndahet në një numër kuotash, në raport me kontributin dhënë nga çdo ortak në shoqëri. Çdo ortak zotëron një kuotë të vetme në shoqëri.  
Kapitali aksionar i shoqërisë është **100.000 (njeqind mijë) lekë** dhe përbëhet nga 2 kuota, perkatesisht 1 kuote me vlerë 51.000 leke, pjesemarje 51% per Z.Ervis Kozak dhe 1 kuote Zj, Ifigjenia Çipi, me vlerë 49.000 leke, me pjesemarje 49%.

### Neni 8

#### Mënyra e fitimit dhe kalimit të kuatave.

1. Kuotat e kapitalit të shoqërisë dhe të drejtat që rrjedhin prej tyre mund të fitohen apo kalohen nëpërmjet:
  - a) Kontributit në kapitalin e shoqërisë
  - b) Shitblerje
  - c) Trashëgimisë
  - d) Dhurimit
2. Në rastet e kalimit të kuatave me kontratë, kushtet dhe momenti i kalimit të titullit të pronësisë mbi kuotën, si dhe kushtet e tjera të kalimit, përfshirë momentin e pagesës së çmimit, rregullohen nga kontrata. Kontrata për kalimin e kuotës hartohet në formë shkresore dhe noterizimi nuk përbën kusht për vlefshmérinë apo regjistrimin e kontratës. Me përashtim të rasteve kur parashikohet shprehimisht ndryshe nga ligji apo kur palët bien dakord në kontratë, vlefshmëria e kalimit të titullit të pronësisë mbi kuotat nuk do të kushtëzohet nga kryerja e formaliteteve të ndryshme me efekt deklarativ, përfshi këtu formalitetet e regjistrimit ose të publikimit të kontratës apo të kalimit të titullit.
3. Statuti mund të kushtëzojë kalimin e kuatave, veçanërisht duke përcaktuar miratimin e shoqërisë ose të drejtën e parablerjes në favor të shoqërisë apo të ortakëve të tjerë.  
Çdo transferim i kuatave tek të tretëzbëhet me vendim të Asamblesë të ortakëve .

### Neni 9

#### Rritja e kapitalit

- 9.1 Shoqëria mund të rrisë Kapitalin Themeltar në para ose në natyrë (pasuritë të luajtëshme apo të paluajtëshme) ose mund të zvogëlojë atë , por jo nën kufirin minimal që lejon ligji Nr.9901 Datë 14.04.2008 “Për Tregëtarët dhe Shoqëritë Tregëtare”(pjesë për sh.p.k.)
- 9.2 Shtimi ose zvogëlimi i kapitalit bëhet me vendim të Asamblesë së ortakëve të shoqërisë.  
Dokumenti depozitohet në Qendrën Kombëtare të Regjistrimit, e cila bën ndryshimet përkatës

**KREU III**  
**ORGANET VENDIMARËSE DHE DREJTUESE**

**NENI 10**

**Organi Vendimarrës**

**ASAMBLEJA E PËRGJITHSHME**

**Të drejtat dhe detyrimet**

1. Asambleja e përgjithshme është përgjegjëse për marrjen e vendimeve për shoqërinë për çështjet e mëposhtme:
  - a) përcaktimin e politikave tregtare të shoqërisë;
  - b) ndryshimet e statutit;
  - c) emërimin e shkarkimin e administratorëve;
  - ç) emërimin e shkarkimin i likuiduesve dhe të ekspertëve kontabël të autorizuar;
  - d) përcaktimin e shpërblimeve për personat e përmendor në shkronjat "c" dhe "ç" të kësaj pike;
  - dh) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë se veprimtarisë;
  - e) miratimin e pasqyrave financiare vjetore dhe të raporteve të ecurisë së veprimtarisë;
  - ë) zmadhimin dhe zvogëlimin e kapitalit;
  - f) pjesëtimin e kuotave dhe anulimin e tyre;
  - g) përfaqësimin e shoqërisë në gjykatë dhe në procedimet e tjera ndaj administratorëve;
  - gj) riorganizimin dhe prishjen e shoqërisë;
  - h) miratimin e rregullave procedurale të mbledhjeve të asamblesë;
  - i) çështje të tjera të parashikuara nga ligji apo statuti.
2. Asambleja e përgjithshme merr vendime për çështjet e përcaktuara në shkronjat "e" dhe "ë" të pikës 1 të këtij neni, pas marries dhe shqyrtimit të dokumenteve përkatës.
3. Nëse shoqëria zotërohet nga një ortak, të drejtat dhe detyrimet e asamblesë së përgjithshme ushtrohen nga ortaku i vetëm. Të gjitha vendimet e marra nga ortaku i vetëm regjistrohen në një regjistrer të vendimeve, të dhënët e të cilët nuk mund të ndryshohen ose të fshihen. Duhen regjistruar në veçanti, por pa u kufizuar në to, vendimet për:
  - a) miratimin e pasqyrave financiare vjetore dhe të raporteve të ecurisë së veprimtarisë;
  - b) shpërndarjen e fitimeve vjetore dhe mbulimin e humbjeve;
  - c) investime;
  - ç) vendimet për riorganizimin dhe prishjen e shoqërisë.Vendimet e paregjistruara në regjistrin e vendimeve janë absolutisht të pavlefshme. Shoqëria nuk mund t'i kundrejtojë pavlefshmërinë të tretëve, që kanë fituar të drejta në mirëbesim, përvèç rastit kur shoqëria provon se i treti ka pasur dijeni për pavlefshmërinë, apo në bazë të rrethanave të qarta nuk mund të mos kishte pasur dijeni për të.

**Neni 11.**

**Administrimi**

- 11.1 Asambleja e përgjithshme emëron një ose më shumë persona fizikë si administratorë të shoqërisë. Afati i emëritit, i cili caktohet në statut, nuk mund të jetë më i gjatë se 5 vjet, me të drejtë ripërtëritjeje. Emërimi i administratorëve, i cili hyn në fuqi në datën e përcaktuar sipas aktit të emëritit, u kundrejtohet palëve të treta sipas përcaktimeve të nenit 12 të ligjit "Për tregtarët dhe shoqëritë tregtare", i ndryshuar.



Asambleja e Përgjithshme e Ortakëve emëron Administrator të Shoqërisë dhe përfaqësues ligjor të saj

Zj. Ifigenia Çipi, lindur ne Tirane, date 17.02.1985, banues ne Tirane, me numer identifikimi

I55217051T

Afati i emerimit 5 vjeçar, duke filluar nga data **22.02.2022 deri në datën 22.02.2027**, me të drejtë ripërtëritje.

- 11.2. Asambleja e Ortakëve mund të emërojë një ose më shumë persona fizikë si administratorë të shoqërisë pa qenë ortakë të shoqërisë. Afati i emerimit të tyre nuk mund të jetë më i gjatë se 5 vjet me të drejtë ripërtëritje.
- 11.3. Në se Asambleja e Ortakëve emëron më shumë se një administrator, ata administrojnë bashkarisht shoqërinë.

## Neni 12

### Të drejtat dhe detyrimet e administratorit

- a. Kryen te gjitha veprimet e administrimit të veprimtarisë tregtare të shoqërisë, duke zbatuar politikat tregtare.
- b. Përfaqëson shoqërinë tregtare.
- c. Kujdeset për mbajtjen saktë e të rregullt të dokumenteve dhe të librave kontabël të shoqërisë.
- d. Përgatit dhe nënshkruan bilancin vjetor, bilancin e konsoliduar dhe së bashku me propozimet për shpërndarjen e fitimeve,i paraqet këto dokumente përpara Asamblesë së Përgjithshme të Ortakutëve përmiratim.
- e. Kryen regjistrimin dhe dërgon të dhënat e detyrueshme të shoqërisë,sic parashikohet në ligjin për Qendrën Kombëtare të Regjistrimit.
- f. Raporton përpara ortakëve në lidhje me zbatimin e politikave tregtare dhe realizimin e veprimeve të posaçme me rëndësi të vecantë për veprimtarinë e shoqërisë tregtare.
- h. Kryen detyra të tjera të përcaktuara në ligj dhe në statut.
- i. Njofton Ortakët për të marë vendimet përkatëse në rastet kur bilanci vjetor,apo raportet e ndërmjetme financiare, ekziston rreziku që aktivitetet e shoqërisë nuk i mbulojnë detyrimet e kërkueshme brenda 3 muajve në vazhdim, si dhe brenda 2 vjetëve të para të regjistrimit të shoqërisë.
- j. Administratori,gjatë kryerjes së detyrës së tij, përgjigjet ndaj shoqërisë për cdo veprim ose mosveprim, që lidhet në mënyrë të arsyshme me qëllimin e shoqërisë tregtare, me përjashtim të rasteve kur, në bazë të hetimit dhe vlerësimit të informacionit përkatës,veprimi ose mosveprimi është kryer në mirëbesim.
- k. Nëse administratori vepron në kundërshtim me detyrat dhe ligjin, është i detyruar t'i dëmshpërblejë shoqërisë dëmet që rrjedhin nga kryerja e shkeljes, si dhe të kalojë cdo fitim personal që ai apo çdo person tjetër i lidhur me të kanë përfituar nga këto veprime të parregullta (në përputhje me nenin 98, pika 4 e ligjit).
- l. Në interesin e mirë të shoqërisë në teresi, administratori duhet t'i kushtojë vëmëndje të vecantë ndikimit të veprimtarisë së shoqërisë në mënjasin ku ushtron kopetencat që lidhen me ligjin dhe në statut, vetëm përritjen e qëllimeve të përcaktuara në këto dispozita.
- m. Të vlerësoje me përgjegjësi çështjet përfcitëse merret vendim.
- n. Të parandalojë dhe mënjanojë rastet e konfliktit, prezent ose të mundshëm të interesave personale me ato të shoqërisë.
- p. Të ushtrojë detyrat e tij me profesionalizëm dhe kujdesin e nevojshëm.
- I. Administratori mund të heqë dorë në çdo kohë nga detyra e tij, nëpërmjet një njoftimi me shkrim drejtuar asamblesë së përgjithshme. Administratori, që jep dorëheqjen, duke pasur parasysh rrethanat e veprimtarisë

së shoqërisë, është gjithashtu i detyruar të thërrasë asamblenë e përgjithshme për emërimin e administratorit të ri, përpara datës në të cilën dorëheqja të hyjë në fuqi.

- II. Nëse asambleja e përgjithshme nuk vendos emërimin e administratorit të ri në datën e përcaktuar në thirjen e kryer nga administratori i dorëhequr, atëherë administratori i njofton me shkrim dorëheqjen Qendrës Kombëtare të Regjistrimit, së bashku me kopjen e thirrjes së mbledhjes së asamblesë së përgjithshme dhe Qendra Kombëtare e Regjistrimit regjistron largimin e administratorit, sipas procedurave të ligjit nr. 9723, datë 3.5.2007, "Për Qendrën Kombëtare të Regjistrimit", të ndryshuar.

- III. Dorëheqja e administratorit nuk cenon paditë e shoqërisë për shkelje të detyrimit të besnikërisë që administratori ka ndaj saj, sipas këtij ligji .

## **KREU IV DREJTIMI EKONOMIK**

### **Neni 13**

#### **Viti Finaciar**

Viti finaciar fillon me 1 Janar dhe përfundon me 31 Dhjetor të çdo viti kalendarik.Përjashtimisht Viti i parë finanziar i Shoqërisë fillon nga data e regjistrimit të Shoqërisë në Regjistrin Tregëtar shqiptar dhe mbyllet më 31 Dhjetor të po atij viti.

### **Neni 14**

#### **Bilanci i shoqërisë dhe dividenti**

- 14.1 Brenda 6 muaj nga mbyllja e vitit finaciar, mbledhja e Asamblesë miraton Pasqyrat Financiare të paraqitur nga Administratori. Pasqyrat Financiare përgatiten në përpunje me Standartet Kombëtare të Kontabilitetit.Ato mund të përgatiten edhe bazuar në Standartet Ndërkombëtare të Raportimit Financiar nëse plotësohen kriteret ligjore.
- 14.2 Me përjashtim të rasteve kur parashikohet ndryshe në statut, ortakët kanë të drejtë të ndajnë pjesën e fitimit të deklaruar në pasqyrat financiare të shoqërisë.  
Fitimi u shpërndahet ortakëve në raport me përqindjen e pjesmarjes në kuotat e zotëruara
- 14.3 Kufizimet për shpërndarjen e dividentit si dhe certifikata e aftësisë paguese janë të zbatueshme për shoqërinë sipas kushteve të përcaktuara në Nenin 77 të Ligjit nr 9091,datë 14.4.2008 "Për tregtarët dhe shoqëritë tregtare"
  1. Shoqëria mund t'u shpërndajë fitime ortakëve, vetëm nëse pas pagimit të dividendif:
    - a) aktivet e shoqërisë mbulojnë tërësisht detyrimet e saj;
    - b) shoqëria ka aktive likuide të mjaftueshme për të shlyer detyrimet që bëhen të kërkueshme brenda 12 muajve në vazhdim.
  2. Administratorët lëshojnë një certifikatë të aftësisë paguese, e cila konfirmon shprehimisht se shpërndarja e propozuar e dividentëve përmbrush kërkosat e pikës 14.3.1, ndërsa kur gjendja e shoqërisë tregon se shpërndarja e propozuar e dividendëve nuk i përmbrush këto kritere, administratorët nuk mund ta lëshojnë këtë certifikatë.

## Neni 15

### Eksperjtë. Auditimi ligjor i llogarive

- 15.1 Shoqëria emëron si eksperjtë, persona fizik individë apo shoqëri Auditimi, të pavarur nga shoqëria. Eksperi ka për detyrë të kontrollojë të gjithë dokumentacionin kontabël të veprimtarisë ekonomikë tregtare të Shoqërisë, atë gjithëvjetorë dhe atë në lidhje me kontrollet periodike të ushtruara prej tij për rastet kur ai është ngarkuar dhe ka kryer një gjë të tillë i ngarkuar nga ana e asamblesë të ortakëve
- 15.2 Procedurat e emërimit dhe shkarkimit të tij kryhen në përputhje me Ligjin nr 10091, datë 05.03.2009 "Për auditimin ligjor, organizimin e profesionit te Eksperjt Kontabël të Rregjistruar dhe të Kontabilistik të Miratuar", por afati i caktimit të Eksperjt nuk mund të jetë më shumë se 7 vjetë kalendarike nga emërimi i parë.

## Neni 16

### Pasqyrat Financiare, Miratimi, Depozitimi.

- 16.1 Pasqyrat Financiare vjetore, të cilat përbajnë; Bilancin kontabël, Pasqyrën e të Ardhurave dhe shpenzimeve, Pasqyrën e fluksit të parave, Pasqyrën e ndryshimeve në kapital si dhe shënimet shpeguese, së bashku me reportin e Audituesit të pavarur apo të shoqërisë Audituese, miratohen mbi bazën e vendimit me shkrim të asamblesë të ortakëve, dhe depozitohen në rregjistrin tregtar, në zbatim të nenit 43 të ligjit nr 9723, datë 3.5.2007 "Për Qendrën Kombëtare të Rregjistrimit".

## Neni 17

### Prishja dhe likujdimi

#### Shkaqet e prishjes së shoqërisë

- 17.1 Shoqëria me përgjegjësi të kufizuar prishet:
  - a) Kur imbaron kohëzgjatja, për të cilën është themeluar;
  - b) Me përfundimin e procedurave të falimentimit apo në rast të pamjaftueshmërisë së pasurive për të mbuluar shpenzimet e procedurës së falimentimit;
  - c) Në rast se objekti bëhet i parealizueshëmpërshkaktë mosfunkcionimit të vazhduar të organeve të shoqërisë apo për shkaqe të tjera që e bëjnë absolutisht të pamundur vazhdimin e veprimtarisë tregtare;
  - d) Në rastet e pavlefshmërisë së themelimit të shoqërisë, të parashikuara nga neni 3/1 të ligjit "Për tregtarët dhe shoqëritë tregtare"
  - e) Në raste të tjera, të parashikuara në statut;
  - f) Në raste të tjera, të parashikuara me ligj;
  - g) Për çdo shkak tjetër të vendosur nga asambleja e ortakëve.
1. Prishja e shoqërisë, si pasojë e një apo më shumë prej shkaqeve të përcaktuara në shkronjat "a", "c", "d", "dh" dhe "e", të pikës 1, të këtij neni, vendoset nga asambleja e ortakëve me shumicën e parashikuar sipas pikës 1, të nenit 87, të ligjit "Për tregtarët dhe shoqëritë tregtare", i ndryshuar.
- 17.1.1 Në rast mosveprimi të asamblesë së ortakëve për të vendosur prishjen, për shkaqet e përcaktuara në shkronjat "a", "c", "d", dhe "dh", të pikës 1, të këtij neni, çdo person i interesuar mund, në çdo kohë, t'i drejtohet gjykatës për të konstatuar prishjen e shoqërisë.
- 17.1.2 Pavarësishtngaparashikimet e sipërpërmendura, ekzistencia e një a më shumë shkaqeve, të parashikuara nga shkronjat "a", "c", "d", "dh" dhe "e", të pikës 1, të këtij neni, nuk do të ketë si pasojë prishjen e shoqërisë dhe hapjen e procedurave të likuidimit, nëse përpara vendimit gjyqësor të formës së prerë, të përmendor në pikën 3, të këtij neni, shkaku i prishjes është korrigjuar, nëse është e mundshme të korrigjohet, dhe ky korrigjim është publikuar nga shoqëria në regjistrin tregtar, sipas parashikimeve të ligjit nr. 9723, datë 3.5.2007, "Për Qendrën Kombëtare të Regjistrimit", të ndryshuar.

- 17.1.3 Prishja e shoqërisë, si pasojë e shkaqeve të parashikuara në shkronjën “b”, të pikës 1, të këtij nenit, vendoset nga gjykata kompetente për procedurat e falimentimit, kur, në përfundim të këtyre procedurave, të gjitha pasuritë e shoqërisë janë likuiduar për shlyerjen në mënyrë kolektive të detyrimeve ndaj kreditorëve apo kur gjykata kompetente për procedurat e falimentimit vendos rrëzimin e kërkesës për hapjen e procedurës së falimentimit për shkak të pamjaftueshmërisë së pasurisë së shoqërisë për të mbuluar shpenzimet e procedurës së falimentimit.
- 17.1.4 Prishja e shoqërisë si pasojë e shkaqeve të parashikuara në shkronjën “ç”, të pikës 1, të këtij nenit, vendoset nga gjykata kompetente, sipas parashikimeve të nenit 3/1 të ligjit “Për tregtarët dhe shoqëritë tregtare”, të ndryshuar.
- 17.1.5 Me përjashtim të rasteve kur është nisur një procedurë falimentimi, prishja e shoqërisë me përgjegjësi të kufizuar ka si pasojë hapjen e procedurave të likuidimit në gjendjen e aftësisë paguese, sipas neneve 190 deri në 205 të këtij ligji.
- 17.1.6 Administratorëtregjistrojnëprishjen e shoqërisëpranëQendrësKombëtaretëRegjistrimit, nëpërputhje me nenin 43 tëligjtnr. 9723, datë 3.5.2007 “PërQendrënKombëtaretëRegjistrimit”. Nëseprishja e shoqërisëbëhet me vendimgjykate, gjykata, nëpërputhje me nenin 45 tëligjitet nr.9723, datë 3.5.2007 “PërQendrënKombëtaretëRegjistrimit”  
ianjoftonvendiminQendrësKombëtaretëRegjistrimevepërrregjistrim.

## Neni 18

### Bashkimi dhe ndarja

- 18.1 Shoqëria, me anë të bashkimit, mund t'i kalojë trashëgiminë e saj një shoqërie ekzistuese ose një shoqërie të re që ajo themelon.
- 18.2 Shoqëria gjithashtu me anë të ndarjes mund t'i kalojë trashëgiminë e saj disa shoqërise të tjera ekzistuese ose disa shoqërise të reja.
- 18.3 Operacionet e përmendura më lart mund të realizohen nëpërmjet shoqërise të formave të ndryshme.
- 18.4 Bashkimi ose ndarja sjell prishjen apo likujdim të shoqërisë që zhduket dhe kalimin e plotë të trashëgimisë së saj te shoqëritë përfituese, në gjëndje në të cilën ndodhet kjo trashëgimi në datën e realizimit përfundimtar të operacionit.

Bashkimi ose ndarja sjell njëkohësisht për ortakët e shoqërise që zhduken marrjen e cilësisë së ortakëve të shoqërise përfituese sipas kushteve të përcaktuara në kontratën e bashkimit ose ndarjes.

- 1 Përfaqësuesit ligjorë të shoqërise, të cilat marrin pjesë në bashkim, hartojnë një projektmarrëveshje me shkrim, ku përcaktohen të paktën:
- a) forma, emrat e regjistruar dhe selitë e shoqërise që marrin pjesë në bashkim;
  - b) raporti i këmbimit të kuotave apo aksioneve dhe çdo shumë e pagueshme në para;
  - c) kushtet e ndarjes së kuotave apo aksioneve të shoqërisë përthithëse;
  - ç) data, duke nisur nga e cila zotërueshit e këtyre kuotave apo aksioneve kanë të drejtë të marrin pjesë në ndarjen e fitimit, si dhe çdo kusht i posaçëm që ndikon në ushtrimin e kësaj të drejtë;
  - d) data, duke nisur nga e cila veprimet e shoqërisë që përthihet do të trajtohen nga pikëpamja kontabël si veprime të shoqërisë përthithëse;
  - dh) të drejtat që shoqëria përthithëse u njeh zotëruesve të kuotave, aksioneve, të drejtat e veçanta apo titujt e ndryshëm nga aksionet e shoqërise të përthitura apo çdo masë tjetër e parashikuar në lidhje me ta;
  - e) përparësitë e veçanta, që u jepen administratorëve, anëtarëve të këshillit të administrimit, këshillit mbikëqyrës apo ekspertëve kontabël të autorizuar;
  - ë) pasojat që bashkimi do të ketë ndaj punëmarrësve e përfaqësuesve të tyre, si dhe masat e propozuara për to.



- 2 Përfaqësuesit ligjorë të se cilës prej shoqërive, që marrin pjesë në bashkim, hartojnë një raport të hollësishëm, ku shpjegohet marrëveshja e bashkimit dhe përshkruhen bazat ligjore dhe ekonomike për të e, në veçanti, raporti i këmbimit të aksioneve, kuotave apo të drejtave të veçanta. Në raport përshkruhen edhe vështirësitë e veçanta të vlerësimit, të cilat janë hasur. Raporti duhet të përshkruajë edhe pasojat e këtij bashkimi mbi punëmarrësit e shoqërive pjesëmarrëse.
- 3 Çdo shoqëri, që merr pjesë në bashkim, jo më vonë se 1 muaj përpëra datës së caktuar për mbledhjen e asamblesë, për vendimin e përcaktuar në nenin 218 të ligjit “Për tregtarët dhe shoqëritë tregtare” të ndryshuar, depoziton pranë Qendrës Kombëtare të Regjistrimit dhe publikon në faqen e internetit të shoqërisë, nëse ka, projekt-marrëveshjen dhe raportin e bashkimit, sipas pikës 2 të këtij neni. Pasqyrat financiare vjetore, raportet e ecurisë së veprimtarisë e dokumentet publikohen në mënyrë të detyrueshme për të paktën tri vitet e fundit.
- 4 Shoqëritë, që përmbushin kërkesën e pikës 3, të nenit 214, të ligjit të sipër cituar, por që kanë qenë të regjistruara për më pak se tre vjet, paraqesin dokumentacionin sipas pikës 3, të këtij neni, vetëm për vitet që kanë qenë të regjistruara.
- 5 Nëse viti i fundit ushtrimor, të cilit i referohen pasqyrat financiare, të përmendura në pikat 3 ose 4, të këtij neni, është myllur në një datë e cila është më e hershme se gjashtë muaj përpëra datës së hartimit të projektmarrëveshjes së bashkimit, atëherë, me përjashtim të rastit kur sipas ligjit nr. 9879, datë 21.2.2008, “Për titujt”, shoqëria ka hartuar dhe u ka vënë në dispozicionaksionarëve raporte financiare gjashtëmujore, shoqëria harton gjithashitu pasqyra kontabël për gjendjen e shoqërisë në një datë, e cila nuk duhet të jetë më e hershme se dita e parë e muajt të tretëpërparadatëssëhartimittëprojektmarrëveshjes së bashkimit dhe i publikon ato sipas pikës 3 të këtij neni.
- 6 Përfaqësuesit ligjorë të se cilës shoqëri pjesëmarrëse në bashkim duhet të njoftojnë asamblenë e përgjithshme të shoqërisë së tyre, si dhe organet e administrimit të shoqërive të tjera që marrin pjesë në bashkim, më qëllim njoftimin e asambleve të përgjithshme të shoqërive përkatëse në lidhje me çdo ndryshim thelbësor në aktivet dhe pasivet e shoqërisë, nga data në të cilën është hartuar projektmarrëveshja e bashkimit, deri në datat e caktuara për mbledhjet e asambleve të përgjithshme që do të vendosin mbi miratimin e projektmarrëveshjes së bashkimit.
- 7 Detyrimi për hartimin e raportit të përmendor në pikën 2, të pasqyrave kontabël të përmendura në pikën 5, si dhe të njoftimit sipas pikës 6, të këtij neni, mund të përjashtohet me miratimin e të gjithë ortakëve/aksionarëve me të drejtë vote të shoqërive pjesëmarrëse në bashkim.

### **18.5 Raporti i ekspertëve**

- 1 Përfaqësuesit ligjorë të shoqërive, që marrin pjesë në bashkim, caktojnë ekspertë të pavarur të licencuar të fushave të ndryshme, për të vlerësuar kushtet e projektmarrëveshjes së bashkimit. Ekspertët mund të caktohen për se cilën shoqëri ose në mënyrë të përbashkët për të gjitha shoqëritë, që marrin pjesë në bashkim. Ata caktohen nga gjykata përkatëse, nëse kjo kërkohet nga përfaqësuesit ligjorë.
- 2 Ekspertët hartojnë një raport me shkrim, ku duhet të deklarojnë, ndër të tjera, nëse, sipas mendimit të tyre, raporti i këmbimit të aksioneve/kuotave është i drejtë dhe i arsyeshëm. Në deklaratë ekspertët duhet të shprehen, në veçanti:
- a) për metodën ose metodat e përdorura për të arritur në raportin e propozuar të këmbimit të aksioneve/kuotave;
  - b) nëse kjo metodë apo këto metoda janë të përshtatshme për rastin në fjalë, duke treguar vlerat e arritura përmes përdorimit të metodës/metodave dhe të jepin një mendim për rëndësinë relative të se cilës metodë, për të arritur në vlerën e vendosur;
  - c) për vështirësitë e veçanta të vlerësimit, të cilat janë hasur.
  - ç) në rastin e një zmadhimi kapitali, të kryer në kuadër të bashkimit apo ndarjes, me qëllim pagimin e aksionarëve të shoqërive që përthithen apo ndahen, raporti i vlerësimit duhet të përmbajë një përshkrim të

hollësishëm të kontributeve në natyrë, si dhe në të duhet të përcaktohen metodat e vlerësimit që janë zbatuar dhe të shprehet nëse vlera e llogaritur sipas kësaj metode i korrespondon të paktën vlerës nominale të aksionit dhe, kur është rasti, edhe primit më të lartë të emetimit të aksionit .

- 3 Ekspertët kanë të drejtë të marrin nga shoqëritë që bashkohen të gjithë informacionin dhe dokumentet përkatëse, si dhe të kryejnë të gjitha hetimet e nevojshme.
- 4 Raporti i ekspertëve depozitohet pranë Qendrës Kombëtare të Regjistrimit dhe publikohet në faqen e internetit, nëse ka, të shoqërive që marrin pjesë në bashkim, të paktën një muaj përpëra datës së caktuar përmbledhjen e asamblesë, në lidhje me vendimin e përcaktuar në nenin 218 të ligjit.
- 5 Përfshirja e ekspertëve, sipas pikave 1, 2, 3 e 4 të këtij neni, mund të përjashtohet nëse të gjithë aksionarët/ortakët e shoqërise që bashkohen japid miratimin.

6

#### **18.6. Miratimi i marrëveshjes së bashkimit**

- 1 Projektmarrëveshja e bashkimit prodhon efekte vetëm pasi të jetë miratuar nga ortakët apo aksionarët e të gjitha shoqërise, që marrin pjesë në bashkim. Projektmarrëveshja e bashkimit miratohet, përkatësisht, në përputhje me shumicën e parashikuar në pikën 1 të nenit 87 dhe pikën 1 të nenit 145 të këtij ligji.
- 2 Kur nga projektmarrëveshja e bashkimit preken të drejtat e aksionarëve/ortakëve të veçantë apo të drejtat, që rrjedhin nga aksione të kategorive të veçanta, atëherë projektmarrëveshja i nënshtrohet, sipas rastit, miratimit të ortakëve apo aksionarëve të prekur, ose një votimi të veçantë, i cili merret me shumicën e tre të katërtave të votave të secilës kategori aksionesh të prekura.
- 3 Secili aksionar apo ortak i shoqërise, qëmarrin pjesë në bashkim, ka të drejtë të kërkojë e të marrë nga shoqëria, pa pagesë, kopje të plotë apo të pjesshme të dokumenteve, në bazë të tëcilave kryhet bashkimi, sipas neneve 216 dhe 217. Nëse aksionari apo ortaku ka pranuar kryerjen e njoftimeve nga shoqëria në formë elektronike, këto dokumente mund t'i dërgohen me postë elektronike.
- 4 Shoqëria do të përjashtohet nga detyrimi për të mbajtur në dispozicion në selinë e saj dokumentacionin që duhet t'u jepet ortakëve apo aksionarëve, sipas pikës 3, nëse për një periudhë të pandërprerë, e cila nis një muaj përpëra datës së caktuar përmblidhjet e mbledhjes së asamblesë së përgjithshme përmiratimin e projektmarrëveshjes së bashkimit, ky dokumentacion u vihet në dispozicion ortakëve apo aksionarëve, pa pagesë, për t'u parë, shkarkuar apo përmarrë kopje në formë shkresore në faqen e internetit të shoqërisë. Për çdo ndërprerje të përkohshme të mundësishë përmarrë hyrë në faqen e internetit të shoqërisë, përsye tekniqe apo arsyë të tjera, afati njëmujo i publikimit ndërpritet dhe rinis nga e para në momentin kur faqja e internetit të shoqërisë bëhet sërisht e arritshme

#### **Neni 19**

- 19.1 Shoqëria mund të lidhë kontrata përmarrës së saj; me sektore shtetërore, drejtpërdrejt në tregun e lirë, si dhe me persona Juridike e Fizike vendas ose të huaj.

#### **Neni 20**

- 20.1 Në veprimet kontraktuale shoqëria përfaqësohet nga Administratori i saj.
- 20.2 Të drejtat dhe detyrimet që rrjedhin nga kontrata janë të detyrueshme përmirësuar.

## Neni 21

- 21.1 Shoqëria përgjigjet për kontributin fiskal, afatet e derdhjes së tij, sigurimet shoqërore etj. Ajo ka të drejtë të çelë llogari likujduese pranë Bankave të vendit dhe të kryeje veprimet likujduese nëpërmjet tyre.
- 21.2 Urdher xhirimet per trasaksionet financiare do te jene te vlefshme vetem nese jane te nenshkuara nga administratori i shoqerise.

## Neni 22

- 22.1 Për sigurimin e veprimtarisë ekonomikë shoqëria ka të drejtë të vetfinancohet , të marrë hua në banka apo institute të kreditit, në lekë ose në valute të huaj. Shkëmbimin e monedhës shqiptare në monedhë të huaj dhe anasjelltas mund ta bëjë në përputhje me kursin e caktuar nga Banka e Shtetit Shqiptar, ose në tregun e lire privat të valutes.

## Neni 23

- 23.1 Për pasqyrimin e aktivitetit, administratori ose persona të tjera të caktuar prej tij, janë të detyruar të mbajnë dokumentacionin e rregullt finanziar dhe regjistrat përkatës sipas kërkeseve të legjislacionit.

## KREU V MARRËDHËNIET E PUNËSIMIT

## Neni 24

- 24.1 Asambleja e Ortakëve vendos për shtimin ose pakësimin e numrit të administratorëve dhe personave të tjera të punësuar në veprimtarinë e Shoqërisë

## Neni 25

- 25.1 Marrëdhëniet e punësimit brenda Shoqërisë rregullohen sipas kontratës së punës që lidhet midis palëve, në përputhje me Legjislacionin shqiptar. Marja në punë bëhet nga punëdhënësi, në përputhje me kërkesat e Kodit të Punës .

## Neni 26

- 26.1 Ndryshimi dhe largimi nga vendi i punës të punmarësve bëhet në bazë të një akti me shkrim të leshuar nga administratori. Largimi lidhet me mbarimin e Kontratës së Punës, për shkak të shkeljeve disiplinore ose me kërkesën e të interesuarit. Mosmarrëveshjet që mund të lindin do të zgjidhen me mirëkuptim të palëve . Kur mirëkuptimi s'është i mundur, palët i drejtohen Gjykatës së Rrethit Gjyqësor Tiranë.



**KREU VI  
TË PËRGJITHSHME**

**Neni 27**

**Baza ligjore**

- 27.1 Shoqëria do të zhvillojë aktivitetin e saj në përputhje të plotë me statusin e saj dhe dispozitat e legjislacionit shqiptar:
- Kushtetuta e Republikës se Shqipërisë ;
  - Kodi Civil ;
  - Ligi Nr.9901 Datë.14.04.2008 “Për tregëtarët dhe shoqëritë tregëtare “, i ndryshuar
  - Ligi 131/2015“Për Qendrën Kombëtare të Bisnesit”,
  - Ligi Nr.9228,Datë.29.4.2004, “Për Kontabilitetin dhe Pasqyrat Financiare”.

**Neni 28**

**Mosmarrëveshjet**

- 28.1 Për zgjidhjen e mosmarrëveshjeve që mund të lindin në lidhje me zbatimin apo interpretimin e këtij statuti , si dhe cdo mosmarrëveshje që mundet të lindë midis shoqërisë dhe të tretëve do të jetë kopetente Gjykata Shqiptare.

**Neni 29**

**Dispozita Përfundimtare**

Ky Statut u redaktua në 4 ekzemplarë me përbajte dhe vlera të njëjtë juridike, në gjuhën shqipe dhe pasi u lexua në gjuhën shqipe, miratohet në parim dhe nen për nen nga ortakët themelues të shoqërisë tregëtare, nënskruhet në të gjitha kopjet duke vendosur emrin dhe firmën origjinale .

**Neni 30**

**Hyrja në fuqi**

- 31.1 Ky Statut hyn në fuqi dhe është i detyrueshëm për zbatim në momentin e firmosjes nga ortakët, sot më datë, 22 Shkurt 2022.

**ASAMBLEJA E PËRGJITHSHME E SHOQËRISË “AIMIKLA” shpk**

**Z. Ervis Kozak**

*Ervis Kozak*  
*EK*

**Zj. Ifigjenia Çipi**

*Ifigjenia Çipi*  
*ICP*